

KLUB ZASTUPNIKA DEMOKRATSKE FRONTE
SKUPŠTINA KANTONA SARAJEVO
Datum: 24.03.2023

ZASTUPNIČKA INICIJATIVA

U ime kluba Demokratske Fronte pokrećem zastupničku inicijativu prema resornom ministarstvu:

Zadužuje se Ministarstvo zdravstva da u roku od mjesec dana izvrši sveobuhvatnu analizu stanja i potreba medicinskog kadra i kao rezultat te analize sačini dokument koji bi mogao imati radni naziv :

REVIZIJA SADAŠNJEG STANJA I UTVRĐIVANJE STVARNIH POTREBA MEDICINSKOG KADRA U KANTONU SARAJEVO

Ovo podrazumijeva sveobuhvatnu analizu koja će dati presjek trenutnog stanja medicinskog kadra kao i stvarne potrebe za kadrom na osnovu standarda i normativa prema broju stanovnika, prema vrsti i poziciji kadra. Detaljno i stručno sačinjena analiza treba dati precizne odgovore na sljedeća pitanja:

1. Koliko zdravstvenih ustanova postoji u KS, koje su to ustanove i koja je njihova djelatnost kategorisano prema nivou zdravstvene zaštite;
2. Da li postoji i u kojoj mjeri preklapanje djelatnosti pojedinih zdravstvenih ustanova i postoji li mogućnost reorganizacije istih radi bolje efikasnosti i izbjegavanja dupliranja;
3. Precizan pregled sadašnjeg stanja medicinskog kadra počev od srednjeg medicinskog kadra do specijalističkog i subspecijalističkog. Pregled po ustanovama prema važećim sistematizacijama radnih mjesta i sumarno prema standardima i normativima;
4. Iz prethodnog, definisati razlike između sadašnjeg stanja i stvarnih potreba , opet precizno prema kategorijama od srednjeg medicinskog kadra do specijalističkog i subspecijalističkog a u skladu sa sistematizacijama i prema standardima i normativima.

5. Na osnovu navedenog definisati stvarne potrebe kadra na svim nivoima i iz proisteklog rezultata predložiti set mjera za rješavanje problema.
6. U saradnji sa medicinskim ustanovama napraviti adekvatan plan za popunu nedostajućeg kadra

Izrada ovakvog dokumenta predstavljala bi davanje precizne slike našeg zdravstvenog sistema u kadrovskom sektoru. Dobićemo odgovore koje su to najslabije tačke u ovom dijelu, što bi bio prvi korak u sistemskoj reformi zdravstva koja je vitalna potreba, jer je sadašnji sistem u ovakvom obliku neodrživ.

Medicinski kadar je temelj sistema. Pravilno upravljanje procesima u zdravstvu, adekvatnom kadrovskom politikom, koja podrazumijeva precizno planiranje u sistemu edukacija, usavršavanja, pravovremenog završavanja kadra, odgovarajuću distribuciju kadra prema standardima i normativima, predstavlja temeljni preduslov za dobro funkcionisanje sistema zdravstva.

Primjera radi, ova analiza mora da ponudi odgovore na pitanje ili pitanja koliko, na primjer, ima Pedijataru u KS (ili bilo kojih drugih specijalista), Kako su oni trenutno raspoređeni, da li prema normativima i standardima adekvatno pokrivaju čitav prostor, počev od Doma zdravlja do Klinike. U okviru pojedinih specijalističkih postoje i subspecijalističke djelatnosti te i u tom segmentu analiza mora dati odgovor o sadašnjem stanju i potrebama prema normativima. Naveo sam samo pedijatriju kao primjer, ali se jednako tako moraju dati odgovori na ista pitanja za sve specijalnosti, pulmologe, interniste, hirurge i druge, kao i za srednji medicinski kadar.

Zaključak: Na osnovu sveobuhvatne analize dobićemo odgovor o stvarnom stanju kadra u zdravstvenom sektoru. Dobićemo odgovor o stvarnim potrebama prema utvrđenim standardima i normativima na broj stanovnika.

Nakon realizacije ove inicijative, koja predstavlja prvi i vrlo važan korak, a ne vidim ni jedan razlog da se ne realizira u što kraćem roku, klub DF-a će izaći sa serijom novih inicijativa koje će biti kontinuitet našeg angažmana u pravcu reforme zdravstvenog sistema.

Podnosilac inicijative

Zastupnik Prof.dr.Ilijaz Pilav